

**BOSNA I HERCEGOVINA
FEDERACIJA BOSNE I HERCEGOVINE
KANTON SREDIŠNJA BOSNA / SREDNJOBOSANSKI KANTON
TRAVNIK**

**MINISTARSTVO OBRAZOVANJA,
ZNANOSTI, MLADIH, KULTURE I ŠPORTA**

**MINISTARSTVO OBRAZOVANJA,
NAUKE, MLADIH, KULTURE I SPORTA**



**CENTRAL BOSNIA CANTON
MINISTRY OF EDUCATION,
SCIENCE, YOUTH, CULTURE AND SPORTS**

Travnik, Stanična 43., Tel./faks.: 030/511-214, 030/518-675, www.mozks-ksb.ba, e-mail: minobsbk@bih.net.ba, mozks@sbk-ksb.gov.ba

Na osnovu člana 9. i 58. Zakona o sportu („Službene novine Srednjobosanskog kantona“, broj: 8/05 i 3/10) i na osnovu Odluke Vlade o programu utroška sredstava - oblast sporta za 2025. godinu, broj: 01-11.7-2001/2025 od 20.02.2025. godine, Ministarstvo obrazovanja, nauke, mladih, kulture i sporta objavljuje

**JAVNI POZIV
za sufinansiranje projekata i aktivnosti iz oblasti sporta za 2025. godinu**

Član 1.

Predmet poziva je dostavljanje prijava za raspodjelu sredstava iz Budžeta Srednjobosanskog kantona za 2025. godinu („Službene novine Srednjobosanskog kantona“, broj: 01/25), koji se odnosi na sredstva sa pozicija: „Tekući transferi neprofitnim organizacijama - za sport“, „Tekući transferi pojedincima - za sport“, „Tekući transferi drugim nivoima vlasti i fondovima - za sport“ i „Subvencije privatnim preduzećima i preduzetnicima - za sport“.

Član 2.

Sredstva će se dodjeljivati za sufinansiranje projekata i aktivnosti u cilju ostvarivanja javnog interesa na nivou Srednjobosanskog kantona (u daljem tekstu: Kanton), u skladu sa raspoloživim sredstvima u Budžetu za 2025. godinu i Zakonu o izvršavanju Budžeta za 2025. godinu.

Član 3.

Nosioci sportskih aktivnosti: sportski klubovi, sportski klubovi invalidnih lica, sportski savezi, sportisti pojedinci, sportski stručni radnici, privatna preduzeća i preduzetnici, općine, mjesne zajednice i ostala udruženja iz oblasti sporta, mogu se prijaviti na javni poziv ako ispunjavaju sljedeće uvjete:

- a) da realizuju aktivnosti iz oblasti sporta i isti djeluju ili provode svoje projekte i druge aktivnosti na prostoru kantona u skladu sa Zakonom o sportu;
- b) da su registrovani u skladu sa važećim zakonima;
- c) da daju podršku razvoju sporta;
- d) da daju podršku za aktivnost i uključivanje školske populacije-organizovana sportska takmičenja;
- e) da daju podršku sportskim aktivnostima lica sa invaliditetom.

Član 4.

Prijavu za dodjelu sredstava mogu podnijeti svi navedeni nosioci sportskih aktivnosti iz člana 3., čiji se programi, projekti i aktivnosti odnose na:

- a) učešće na ligaškim prvenstvenim takmičenjima koje organizuju nadležni sportski savezi na prostoru kantona (kantonalna takmičenja), na prostoru FBiH (federalna takmičenja) ili na prostoru BiH (državna takmičenja);
- b) aktivnosti i takmičenja sportskih klubova koji nemaju ligaška takmičenja (turniri i sezonska takmičenja);
- c) sportske stručne radnike ukoliko su angažovani u radu udruženja iz oblasti sporta na prostoru kantona ili djeluju samostalno;
- d) organizaciju zvaničnih državnih i međunarodnih takmičenja;
- e) aktivnosti i takmičenja sportskih klubova invalidnih lica;
- f) sportske aktivnosti i takmičenja učenika i studenata;
- g) pripreme i takmičenja perspektivnih sportista koji su članovi reprezentativnih selekcija BiH (**kadeti, juniori i seniori**) i koji su postigli zapažene rezultate na federalnoj, državnoj, balkanskoj, evropskoj i svjetskoj razini u prethodnoj godini;
- h) projekte sportskih saveza: organizovanje ligaških takmičenja, seminara, manifestacija od značaja za kanton i šire, manifestacija koje uključuju masovnije učešće školske djece i omladine s ciljem poboljšanja zdravlja (rekreativni sport i sport za sve);
- i) izgradnju, rekonstrukciju i opremanje sportskih objekata i terena;
- j) i druge sportske manifestacije u organizaciji ostalih udruženja iz oblasti sporta.

Član 5.

Sportski klubovi, sportski klubovi lica sa invaliditetom i sportski savezi obavezni su dostaviti sljedeću dokumentaciju:

- a) Popunjen prijavni **obrazac br.1** (sportski klubovi i sportski klubovi lica sa invaliditetom), treba biti ovjeren i potpisan od strane odgovarajućeg kantonalnog, federalnog ili državnog granskog sportskog saveza (kopija);
Neovjeren obrazac od odgovarajućeg granskog saveza, smatrat će se nevažećim.
- b) Popunjen prijavni **obrazac br. 2** (sportski savezi);
- c) Prijedlog projekta, **obrazac br.5** (manifestacija, priredba, sportsko takmičenje, organizovanje stručnog seminara i slično) - **obavezan za sve podnosioc**
zahtjeva;
- d) Potvrda od banke iz kojeg je vidljiv broj transakcijskog/tekućeg računa i da je račun korisnika aktivan - ne starija od 3 mjeseca (kopija);

Prijavni obrazac broj **1** može se preuzeti na web stranici Ministarstva:

www.mozks-ksb.ba

Član 6.

Sportisti pojedinci i sportski stručni radnici obavezni su dostaviti sljedeću dokumentaciju:

- a) Popunjen prijavni **obrazac br.3** (sportisti pojedinci i sportski stručni radnici)
- b) Prijedlog projekta, **obrazac br.5** (obavezan za sve podnosiocje zahtjeva)
- c) Lična karta (kopija)
- d) Potvrda od banke iz kojeg je vidljiv broj transakcijskog/tekućeg računa i da je račun korisnika aktivan -ne starija od 3 mjeseca (kopija);

Prijave sportista pojedinaca i sportskih stručnih radnika koji su članovi neke od reprezentativnih selekcija BiH sa navedenim postignutim rezultatima u prethodnoj godini, a koje nisu ovjerene od granskog saveza na nivou države, neće se uzimati u razmatranje.

Član 7.

Podnosioci prijave koji nisu upisani u Registar Ministarstva obrazovanja, nauke, mladih, kulture i sporta, obavezni su dostaviti sljedeću dokumentaciju:

- a) Popunjen prijavni **obrazac br.1** (za klubove koji su u sistemu takmičenja, vidjeti član 5. tačka a) ovog poziva)
- b) Popunjen prijavni **obrazac br.4**
- c) Prijedlog projekta na **obrascu br.5**
- d) Rješenje o registraciji od nadležnog suda ili Rješenje o upisu u Registar mjesnih zajednica ili Rješenje o upisu u Registar udruženja Ministarstva pravosuđa i uprave Srednjobosanskog kantona;
- d) Uvjerenje o poreznoj registraciji (ID broj);
- e) Potvrda od banke iz kojeg je vidljiv broj transakcijskog/tekućeg računa i da je račun korisnika aktivan - ne starija od 3 mjeseca (kopija);

Prijavni obrazac broj **1** može se preuzeti na web stranici Ministarstva:

www.mozks-ksb.ba

Član 8.

Za sufinansiranje izgradnje, rekonstrukcije i opremanja sportskih objekata i terena u oblasti sporta na prostoru Srednjobosanskog kantona, mogu se prijaviti općine, mjesne zajednice, ustanove, privatna preduzeća i udruženja te su obavezni dostaviti sljedeću dokumentaciju:

- a) Popunjen prijavni **obrazac br.6**
- b) Rješenje o registraciji od nadležnog suda ili Rješenje o upisu u Registar mjesnih zajednica ili Rješenje o upisu u Registar udruženja Ministarstva pravosuđa i uprave Srednjobosanskog kantona;
- c) Uvjerenje o poreznoj registraciji (ID broj);
- d) Detaljan opis projekta
- e) Izjavu da je objekat od javnog interesa i da nema zakonskih smetnji za izvođenje navedenih radova;
- f) Izjavu da je osiguran dio sredstava za realizaciju navedenog projekta;
- g) Dokaz o vlasništvu ili o pravu upravljanja sportskim objektom/terenom

- h) Potvrda od banke iz kojeg je vidljiv broj transakcijskog/tekućeg računa i da je račun korisnika aktivan -ne starija od 3 mjeseca (kopija);

Član 9.

Kriteriji za raspodjelu sredstava za korisnike iz člana 8.:

- a) značaj sportskog objekta za razvoj sporta i stvaranje uslova za sportsko-rekreativne aktivnosti i vrhunski sport;
- b) postojeće stanje objekta i neophodnost radova (izgradnja ili rekonstrukcija svlačionica, uređenje igrališta, izgradnja ograde oko igrališta, uvođenje sistema grijanja, interventna sanacija objekta ili izgradnja novog objekta);
- c) obim korištenja objekta i broj korisnika.

Član 10.

Kriteriji za vrednovanje prijave za korisnike iz člana 8. su:

- a) kvalitet prijedloga projekta (ekonomičnost i mogućnost realizacije projekta);
- b) kvalitet budžeta (finansijska pomoć iz drugih izvora, te osigurana sredstava za realizaciju projekta);
- c) doprinos razvoju sporta na prostoru općine i kantona;
- d) doprinos radu s mladima u sportu;
- e) doprinos poboljšanju uslova za treniranje i takmičenje;
- f) doprinos provođenju sportske rekreacije i poduke i
- g) doprinos podizanju cjelokupne kvalitete života stanovništva na prostoru općine i kantona.

Član 11.

Komisija će razmatrati podnesene prijave projekata te izvršiti vrednovanje i odabir istih po navedenim kriterijima i drugim propisima i iste dostaviti na uvid Ministru. Odluku o raspodjeli sredstava za oblast sporta donijet će Vlada Kantona na prijedlog Ministarstva i ista će biti objavljena u Službenim novinama Kantona.

Član 12.

Korisnici koji nisu opravdali sredstva u skladu sa potpisanim Ugovorom o namjenskom utrošku sredstava za 2024. godinu neće biti razmatrani za raspodjelu sredstava po ovom pozivu.

Korisnici sredstava obavezni su u svojim arhivama posjedovati i čuvati finansijske dokumente kojima se dokazuje utrošak sredstava te su obavezni, na zahtjev Ministarstva i drugih nadležnih organa, dostaviti iste na uvid.

Član 13.

Nakon što Vlada Kantona donese Odluku o raspodjeli sredstava korisnicima, isti su obavezni sklopiti Ugovor sa Ministarstvom u kojem će se definisati obaveze nosioca projekta kao i obaveze Ministarstva.

Ukoliko korisnik sredstava ne prihvati uslove propisane ugovorom iz stava (1) ovog

člana, gubi pravo na korištenje sredstava.

Član 14.

Prijave na javni poziv sa obaveznom dokumentacijom navedenom u članu 5. (za sportske klubove, sportske klubove lica sa invaliditetom i sportske saveze), u članu 6. (za sportiste pojedince i sportske stručne radnike), u članu 7. (za ostala udruženja iz oblasti sporta) i u članu 8. (za općine, mjesne zajednice, ustanove, privatna preduzeća i udruženja), isključivo dostaviti **elektronski**, putem poveznice dostupne na web stranici ministarstva:

(<https://triumphy-eforms.eu/authentication/logi>)

Rok za dostavljanje prijava na javni poziv je **30 (trideset)** dana od dana objave na web stranici Ministarstva.

Član 15.

U postupku poziva Ministarstvo zadržava pravo da projekat prihvati u potpunosti, djelimično ili ga u potpunosti odbije, poništi javni poziv ili odbaci sve prijavljene projekte.

Ministarstvo neće snositi nikakvu odgovornost prema učesnicima poziva, niti je obavezno objasniti razloge donošenja Odluke o raspodjeli sredstava za oblast sporta. Dostavljena dokumentacija po javnom pozivu neće se vraćati.

Napomena:

Na javni poziv se ne mogu prijaviti ustanove kojima je osnivač Kanton. Nepotpune, neuredne i neblagovremene prijave neće biti predmet daljnjeg razmatranja.

Za sve informacije i nejasnoće vezano za javni poziv možete nas kontaktirati putem e-mail: monks.tr@bih.net.ba ili fatima.jelcin@sbk-ksb.gov.ba .



MINIŠTAR

Bojan Domić

Broj: 05-11-490/2025

Travnik, 14.3.2025.